



## “Oshikalimo shOmbimbeli itashi toolwa ngaashi oonyandi: Dr Shivute

Omusita Tomas Shivute, Amushanga gwepatudho lyopakriste mOngeleki, n̄mundohotola melongo lyuukalunga, okwa kumagidha noonkondo aalumentu yomoshitayingeleki shOndonga ya ninge omalongekidho gomuule uuna taa wilike oongundu dhaalumentu momagongalo.



Omusita Tomas Shivute ta popitha aalumentu mOlukonda, mOndonga.

Shoka okwe shi ningi pethimbo lyoshigongi shokomumvo shaalumentu moshitayingeleki shoka 6-8.4.1984. mOlukonda. Moshigongi shoka Dr Shivute kwa li a pewa oshimpwiyu kaalongekidhi yoshigongi, a fatulule iileshwa mbyoka yi na okukonakonwa nuumvo moongundu dhaalumentu mOngeleki ayihe, okwa li wo e ya tsu omukumo ya tsikile nuupenda, nonando ye li po okangundu okashona megongalo.

“Ngele mu li po yaali nenge yatatu, tsikileni ngaaka otashi vulika mu ka hile oyendji,” osho e ya kumagidha.

Aalumentu ye thike lwopo 80, ya za konyala momagongalo agehe gomOndonga, oya li ya gogala moshigongi shawo. Moku ya yelithila nkene ewiliko lyongundu tali pula shili eilongekidho enene, omusita Shivute okwe ya londodha:

“Ndhindhilikeni kutya iinima yopa-Mbimbeli, kayi shi owala iinima yokombanda tayi vulu okutoolwa ngaashi omuntu to toola oonyandi. Oyo iinima ye ya mokati ketu ya za momudhingoloko gwi ili lela, onkene

opo tu yi uve ko nawa, otu na shili oku yi fula muule.”

Shivute osho a gandja natango oshimpwiyu kaawiliki yoongundu dhaalumentu momagongalo yi ilongekidhe nawa tango, opo ya wape oku ka gandja sha sha yela kaakwashigongi.

Kepulo nkene aalumentu megongalo taa hilwa ye ye moshigongi shawo, omusita Shivute, okwa ti ashike kutya ngele mu li po yaali nenge yatatu one tuu mboka, tsikileni nuupenda, yalwe wo taa ka hilwa kuupenda weni.

Esiku uuna oshigongi shi na okugongala megongalo nethimbo ndyoka shi na okugongala, osha kala epulo enene moshigongi shoka.

“Ombelewa yepatudho lyopakriste mOngeleki, nayi tu uthile esiku,” osho gumwe a thikama e ti igidha.

“Itatu pumbwa okuuthilwa esiku lya faathana momagongalo agehe, oshoka katu na wo omidhingoloko dha faathana,” osho aalumentu ya kala taa pula yo taa iyamukula yo yene.

Oshigongi osha kala wo sha hala okuuva ngele aalumentu mboka haa gongala moshigongi shawo megongalo, oya oya mangeluka ko kongundumbimbeli nenge namo wo otaa tegelelwa mo.

Aalumentu oyendji oya kala ya kunkwa keyamukulo, kutya oshigongi shaalumentu itashi ya mangelula nando okugongala kumwe naakulukadhi

## Dumeni muupreside-nde wa LWF?


Omumbisofi gwOngeleki onkwaevangeli paLuther yomOwambokavango (ELOK), dr Kleopas Dumeni, edhina lye olya holoka momadhina gatatu gaahogololwa, mumboka tamu ka kuthwa gumwe a ninge omupresidende gwOngongahangano yAakwaluther (LWF).

Omadhina gooyakwawo yaali; oDavid Preus, omumbisofi gwOngeleki onkwaLuther yAayamerika (ALC) naAndreas Aarflot, omumbisofi gwOngeleki yaNorway.

Nguka gwahugunina okwa kala shito oshilyo shongundumpitithi yOngongahangano ndjoka.

Oshigongi oshitiheyali shAakwaluther ayehe muuyuni, otashi ka tameka omutumba gwasho 22 gaJulii sigo 5 gaAguste nuumvo muBudapest, oshilandopangelo shaHungary. Moshigongi shoka omo tamu ka ningilwa ehogololo ndyoka.

Omimvo ntano dha zi ko, Ehangano ndyoka lya tseyika muuyuni auhe, olya wilikwa komupresidende Josia Kibira, omumbisofi muTanzania



**Omumbisofi K.Dumeni gwa ELOK,** nokuAmushanga omukuluntu dr Carl H.Mau Jr, omusita muAmerika.

Mau kombinga ye iilonga ye ote ke yi hulitha omumvo tagu ya 1985 notaku ka talika ngoka ta ningi omulanduli gwe. Omusita Gunnar Stalseth, oye ta fekelwa gwoku ka landula ko muhamushanga.

Nguka oku li ngashingeyi Amushanga omukuluntu mEhangano mbimbela lyaNorway noshilyo mongundumpitithi yOraata yOngeleki muuyuni (WCC).




**Omumbisofi David Preus, ALC, Amerika.**

Omadhina ngoka gatatu gaahogololwa, ngiika hago ge li manga eutho lyahugunina, ngaashi taku thathaekwa wo edhina lyomumbisofi Zoltan Kaldy, gwOngeleki onkwaLuther muHungary, ndjoka tayi taamba oshigongi.

Poompito odhindji osho sha ningwa, kutya omupresidende okwa kuthwa mOngeleki ndjoka ya taamba oshigongi shoka.

Omupresidende Kibira, oye Omuluudhe gwotango a kala mewiliko lyEhangano ndyoka lyOongeleki dhi vule 90, okuza 1947 sho lya dhikwa.

(Asia Lutheran News)



**Omumbisofi Zoltan Kaldy, gwaHungary ngoka naye ta dhiladhililwa uupresidende wOngongahangano yAakwaluther nuumvo.**

## Eemhito dehongo moshiwana shetu nadi mbwalanga djekwe

Ku H.H.Hasheela

Oshiwana shetu oshiholike, chongo tu li tuleni pondodo yotete. Ovadali ovafimanekwa, keshe umwe wetu momadiladilo etu, momaumbo, tu yeululileni oludalo letu ehongo, osho oshiwana shetu shomonakwiwa.

Ovadali ovatumbalekwa moshiwana shetu nomoshilongo shetu. Onghe tu longekidileni oludalo letu oipalwifa yokupalula omalutu alo, opo eendunge nomaliudo alo a handjumukwe, ta dudu okutambula ehongo.

Omhito yehongo nai yandjwe kuyela' pefimbo liwa. Okaana naka pewe omhito yehongo shimha ka wanifa omido nhano, taka dudu okuwilikina nokushikula osho tashi ulikwa.

Onda hala okuulika oshihopaenenwa shimwe. Okaana shimha ka wanifa omido nhano nokutameka ofikola mo Sub A, otaka ka pita ostanda onhimulongo ke na eedula 17. Sho otashi ke ka endela nawa mokuya komesho nelihongo. Ovadali otava dudu okuwafa oshiwana mependulepo lasho.

Omhito yehongo otai wilikwa kovahongi nokovataleli vehongo, ovo vamwe tava shiiva eemhumbwe moshiwana kutya odilipipo. Eshi osha kwatelela mo eemhumbwe domaifano. Hangaashi shi li paife tashi dulika ovanhu ovamwainafana ndele aveshe ovahakuli, ile ovahongi, kashi li nawa.

Omhito oyo twa enda nayo nale, ya li ashike ouhakuli, oulongi noufita, paife oi na okuxula po. Onghalo yoshilongo shetu nande oya twima, oku na eemhito di shii kupandulwa. Hakutala ashike oilonga oyo tai eta omungome diva, ndele otaku talwa onakwiwa.

Moshilongo shetu nomoshiwana shetu, otwa pumbwa ovanhu ve na onunongo meemhito adishe, odo tadi ndjollowaleke omunhu aushe ngaashi; eendohotola domakipa, domesho, domayoo, dokuwapaleka oundjollowele wovakainhu nowovalumenhu. Ovanongononi moimima oyo moshiwana shetu katu va na, nande ovalihongi omo ve li.

Onawa ovahongwa nge tava ulikilwa oilongwa oyo ve na okushikula, opo i va fikife meenghatu odo. Unene ngaashi oilongwa yOmwaalu (Mathematics) oBiologi na General Science.

Ovapangeli voikwamashina omolweeproje domeva moshilongo ova pumbiwa, eendohotola doinamwenyo, ovanongononi voipalwifa yolutu, ovanongononi voushitwe, aische ei otai dudu okuulikilwa ovahongwa ve i shikule.

Oilonga aische yomaludi oo, oya kwatelela mo eemhumbwe dopamaxupilo omunhu noya pumbwa ependulepo la yela. Ovadali tu peni oludalo ehongo liwa, tu dje ko, tuha tale vali oolyeye noongadi. Ovahongi novataleli, ovo aveke va kwatelelwa meindilo eli, opo onghalo younhu woshiwana eshi, monakwiwa, i kale moundjollowele wolela.

## UULELIGUMBO WOPAKRISTE

Uuleligimbo wopakriste owo oshinakugwanithwa shonomenawina mesilwongoshimpwiyu lyaayihe mbyoka Kalunga a shita nokwe yi gandja. Shika oshinima oshinene shi vulithe iimaliwa. Osho esiloshimpwiyu lyonkalamwenyo yoyene. Oshi vulithe nopushoka hatu gandja nohatu ningi momagongalo.

Uuleligumbo otau pula shoka hatu longitha ashihe shoka tu na. Kashi shi owala oshitumulongo nenge eigandjo lyokathimbo miilonga yontumba, nenge okakwatho kamwe nenge uyali mboka hatu yakulitha nawo omagongalo, aawe.

Uuleligumbo otau pula oopelesenda ethele dhethimbo lyetu, dhuunongo wetu nodhomalunza agehe getu. Onke hatu palutha nohatu zaleke aana yetu, nasho oshitopolwa sha simana shuuleligumbo wetu, shi thike naanaa pushoka sho hatu ambidhidha omagongalo getu mokwiiyamba ethimbo, uunongomagano nomalunzashipewa agehe getu.

Uuleligumbo wopakriste okutala iinakugwanithwa mekwatathano nonkalo yetu. Owo ondjila yokukalamwenyo, yelandulathano noyeyakulathano noyeyakulo.

Ombimbeli oyo ngaa ekotalunza lyuuleligumbo wopakriste, moka oshitsa shopokati mohole yaKalunga, tashi yelekwa.

MEvaangeli paJohannes ontopolwa ontitatu, ovelise omulongo nahamano, otatu lombwelwa: "Oshoka osho Kalunga a kala e hole uuyuni, oye a gandja epona lye ....." Eihololo lyaKalunga mwene ongomuvali omunahole, olyo tango.

Shoka tashi landula ko, osho etaamboyamukulo kEvaangeli nomolwevaangeli. Sha hala okutya, okugandja kwetu itaku sikumudhwa owala kenyanu lyetu mushoka Kalunga e tu ningile, ihe okohokwe wo yetu okulonga iilonga mbyoka Kalunga e yi tu pe tu yi longe...

Shika kashi na owala ekwatathano nonakuziwa, ihe oshi na wo ekwatathano nonena nonakuyiwa wo. Pafupi, uuleligumbo owo aluhe iilonga metsikilo.

Taku tsikilwa

## E tu tetekelele kaandjetu

**Omulongi omukulu Paulus yaDumeni, okwa mana oondjenda dhe 9.4.1984 moshipangelo shepangelo mOshakati, konima yuuwehame wethimbo ele.**

Nakusa Paulus, he yomumbisofi Kleopas Dumeni, okwa vaelwa mOmbandja omumvo 1902, komusamane Dumeni yaHipetekwa nayina Shayela shaShiwoonghapo. Edhina lya Paulus ndyoka a lukwa kuhe, oMonima.

Mokuputuka kwaMonima yaDumeni, Aambandja oya tameke okutauka taye ya muNamibia. Dumeni yaHipetekwa naye wo okwa tembuka negumbo lye, e taye ya mUukwambi, pomikunda dhaKapya naMagalanga.

Monima sho a koko okwa ka longa kUushimba, mOshomeya, moka i ilongo oohapu dhaKalunga sigo a shashwa Paulus omumvo 1924. Konima yethimbo ndyoka okwa ka longa



Nakusa Omulongi Paulus Dumeni. Ethano olya thanekwa pethimbo lyoshituthihambelesho 1983, pegumbo lye, sho a pewa oshipundi shevululuko miilonga ye yomimvo 45 a kala muulongi.

kOlange, hoka a kala ta longo yakwawo okulesha pamwe nanakusa ngashingeyi, omumbisofi Leonard Auala.

Omumvo 1929, Paulus okwa hokana omuholike gwe Hileni yaShiwooshili noya pewa oyana omulongo; aalumentu yaheyali naakiintu yatatu. Omulumentu gumwe okwa tetekele nale kuukwaaluhe.

Ya vaelwe yane megumbo lyawo lyaDumeni yaShipetekwa, aalumentu yaali naakiintu yaali, nakusa Paulus, okwa ningi omunamambo nokwa tameke oseminali yuulongi. Omumvo 1935 okwa tameke oshilonga shuulongi mOmbalantu, sigo 1980 sho a yi moshipundi shevululuko.

Omumvo 1983, nakusa Dumeni okwa li a dhana oshituthihambelesho shevululuko megumbo lye, moka kwa li a hiya aatekulu, ezimo, ookuume naashiinda.

Eti 9.4.1984, Omuwa okwe mu ithana mevululuko lyaaluhe, konima yomimvo 45 dhiilonga. Okwa thigi ko omuselekadhi, oyana omugoyi naatekulu 44.

Oyana naatekulu yopambepo moshilongo ashithe shaMbalantu nomiishiindalongo wo, kaye shi okuyaluwa. Oshituthi shefumviko osha ningilwa megongalo lyaandjawa Onawa, eti 14.4.1984.

Aalilisa konyala 300, oya kala moshituthi shoka.

Sebulon Ekandjo

## Ediko lemanya kombila yovakwaKautondokwa mEenhana.

Oshivilo shediko lemanya kombila yanakufya Filippus Kautondokwa, osha ningilwa 7.4.1984. Osha li sha hovelifwa komufita Johannes Kashihakumwa.

Omushamane Kautondokwa, omushingili wOngeliki ya ELOK, okwa xulifile oweenda waye ombadiilila 3.7.1983, pamwe nounona vaye vatatu nokatekulu kaye, moshiponga shoboma. Oshiponga osha ningilwa popepilela okudja mEenhana okuuya kOndonga.

Omufita Kashihakumwa, okwa fatulula elalakanolokutula emanya kombila, kutya olo edidiliko lomukriste. Omweevangeliste G.Shakaalela, naye okwa popifa yo ovakwashivilo noku va twa omukumo nondjovo yaKalunga.

Omufiyekadi Karolina Kautondokwa, okwa kala ofika pemanya nokwa yandja efimano kovaholike vaye ovo tava nangala koshi yemanya olo. Okwa yandja yo olupandu kovakwaneongalo eshi ve mu kwafa mokuhovela okwoongelela emanya osho yo olupandu kwaova va kala noku mu ilikanena.

"Inandi wa po, ondi li ofika, omolweni," osho e va lombwela.

Omufiyekadi okwa lesa yo eendjovo odo di li kemanya da shangwa mEhololo 7:13-17. Eengudu domalwiimbo oda li omongwa nehekeleko metwomukumo nokuyandja efimano kuKalunga.

S.Nd.Namunyekwa

# OSHIKALIMO SHOMBIMBELI

## Dha za kep. 1

moongundumbimbeli, ihe omaludhi moshinima shika inaga tsikila, aalumentu oya mwena owala.

Omikundu omikwawo dha kambakana aalumentu yethimbo ndika, odha li wo dha kundathanwa palandulathano lyoshigongi shoka. Opwa kundathanwa shoka omulumentu kehe ta tegelelwa a ningile egongalo lyaandjawa, nondjokana yaakiintu ye vule gumwe, ngele otayi ziminathana tuu nuukriste.

Omalongoitaalo gopapolotika ngaashi; uukapitali, uusosiale nuukomunisi nosho wo omikalo omipe dhokumuna iimuna pethimbo ndika, oya li wo ya kundathanwa.

Elandulathano lyoshigongi olya li wo lya hiya gumwe gwomaakiintu, a fatulule nkene yo aakiintu yu uvite ko aalumentu. Omweetipo gwoshipopwiwa shoka, Sestela Salmi Shivute, ngiika omadhiladhilo ge haagehe ga ziminwa kaalumentu ya li taḡ pulakene oshipopiwa she, ihe oga kala taga longithwa unene ongekoleko lyiipopwiwa iikwawo, ethimbo alihe lyoshigongi shoka sha li miipundi.

Omupopi okwa li u ulike moshipopwiwa shoka, uunkundi waalumentu

yopethimbo ndika meitaalo, monkalathano nopoopito dhimwe paupolotika nokuli. Nomumbyoka uunkundi waalumentu wa holoka, omupopi okwa ti kutya aakiintu oya kutha ehala ndyoka, okukwatela ewiliko komeho.

Pauelele mboka wa zi momelewa yepatudho lyopakriste nowa kolekwa moshigongi shoka komundohotola Shivute, amushanga momelewa ndjoka, aalumentu momagongalo nuumvo oye na okukonakona iileshwa tayi landula mpaka:

- a) Epistoli lyokAafilipi
- b) Oshinyolwa: Omaupyakadhi gomegumbo, paElia Niinkoti
- c) Okambo: Enota ile ondjala, ku V. Munyika.
- d) Iilonga yiikaha
- e) Olwiimbo nOshiingilisa

Opwa gandjwa wo ompito ya manguluka yomatalelathanopo goongundu dhaalumentu pomaushii-nda nomaushiinda.

Omutonateli gwoshitayingeleki shOndonga, omusita Festus Ashipala nomusita gwoshilonga shomokati kaalumentu Shekutaamba V.V.Nambala osho wo omuwiliki gwOsikola yOmbimbeli mOngwediva, omusita Efraim Angula, nayo omo wo ya kala moshigongi shoka.

*Sebulon Ekandjo*

## Egalikano - okwiindila

Okwiindila kashi shi ondjo, ihe omuntu ngele iha pula ekwatho palwe nando e li pumbwa, ota yono. Okwiindila ekwatho otashi holola uukwatya womuntu, kutya omuntu ita vulu okwiithikamena kuye mwene pwaa na ekwatho lyomuntu omukwawo.

Omanyolo omayapuki otage tu pe uyelele nowino wegalikano, kutya olyo eindilo. "Indila, e to pewa." Mat.7:7: Shoka oshi li elombwelo kutse. Eindilo oli na elalakano. Olyo wo euvaneke lya kola. "Indileni e tamu pewa, enyanyu lyeni li udhe pombanda." Joh.16:24 b

Ngele tatu indile sha megalikano, natu kale tu na eitaalo, kutya otatu mono shoka tatu indile. Ombimbeli otayi tu longo, kutya egalikano olyo eindilo nokutaamba okwo eyamukulo keindilo.

Elongo lyOmbimbeli olyo ndika: "Kalunga ongoye nguka hu uvu omagalikano." Ps.65:2 Ano sho tu na Kalunga omuwi gwomagalikano, mokugalikano otatu pumbwa eitaalo mushoka tatu popi notatu shi indile.

Oyendji otatu galikana niitya iiwanawa tayi kelengendja nawa, ihe oomwenyo nomadhiladhilo, oge li kokule naashoka tatu indile. Mokwiindila natu kutheni wo iiholelwa yaagalikani mboka twa hololelwa kOmbimbeli.

"Kalunga sa ndje ohenda, ongame omunandjo." Luk.18:14 Osho omuteeloni i indile nomwenyo aguhe e ta shuna kegumbo a hupithwa nokwa dhiminwa po oondjo dhe adhihe.

"Omuwa hupitha ndje." Ndika egalikano lyaPetrus sho a li ta ningine mo mefuta lyaGalilea nokwa hupithwa mo meso. Mat.14:30 Natango tuu omuheheli omuposi Bartimeus yaTimeus pooha dhondjila, okwa galikana: Jesus Omuna gwaDavid, sa ndje ohenda. Mark.10:47 E ta gwedha ko nomukumo: "Ndi tonate ishewe." Ov.51 nokonima yaashika okwa tonata.


Egalikano otali lundulula uukwatya womuntu. Omukolokoshi komushigakano, okwi indile: "Omuwa, dhimbulukwa ndje ngele wa thiki moshilongo shoye." Luk.23:42 Neyamukulo a pewa keindilo lye, olyo ndyoka sho Omumwa e mu hupitha esiku tuu ndyoka noku mu fala mopradisa.

Olwindji otatu nongele omagalikano getu haagehe taga yamukulwa. Kalunga ota yamukula pethimbo lye lyoopala. Niishewe itatu pewa omayamukulo, oshoka pamwe ohatu indile nayi, nokatu na eitaalo mumbyoka tatu indile.

Olwindji otatu kambadhala omahalo getu ogo ga gwanithwe. Jesus ote tu pe oshiholelwa shi shi okulandulwa sho ta ti:

"Tate kutha ndje oshitenga shika, ihe hahalo lyandje, aawe olyoye li gwanithwe." Luk.22:42 Otatu tegelelwa tu galikane moshili nopahalo lyaKalunga. Otatu pewa uuna tatu galikana nokwiindila mbyoka Kalunga e tu uvanekela, mbyoka e tu inekelela. Nomegalikano otu na wo okwiindila edhimopo lyoondjo mwaashono twi indile shaa shi shopahalo lye.

*E.N.K. Shaanika*



Poshitaafula shewiliko moshigongi shaalumentu, otapu monika oohamushanga kombinga yokolumoho nomunashipundi Sakeus Mb. Ipinge, a gama lela komupopi Shivute ngoka a thikama.

# Kadhikwa nongundu ye, a talele po Oniipa

Ngele owa tseya egongalo limwe hali imbi nuukeka mOngeleki ya ELOK, ilar manga u pulakene ongundu "Aatekulu yaShinime shlimvula", mOshitayi, mOndonga, opo u yalule nawa.

Omuwiliki gwongundu ndjika, omusamane Kristian Kadhikwa noye wo e li omuwiliki gwomusika moshitayingeleki shOndonga. Tate Kadhikwa okwa lombwele Omukwetu ta ti:

Olwiimbo lwegongalo olwo eidheulo neendululo lyomaimbilo ngoka haga imbwa melongelokalunga. Okulonga wo ngoka inaaga tseyika natango membo lyehangano.

## Tu longeleni Omwene, manga pe na efimbo

Fye ovanyasha tu li meefikola, otwa ninga unene ounyasha wetu woshinanena, ndele neendjovo daKalunga, otwa hala tu tye, otwe di kufamo "momooode," ngaashi hashi popiwa.

Tu kaleni ngo twe litula mo moyoongalele yetu, unene tuu fye ava twa nangekwa nouputa, eshi tu na oshiongi shovalihongi ovakriste meefikola detu.

Luhapu oto hange ovanafikola va ongala peendjovo daKalunga, nde ovamati ove li po ashike tava valulwa, vanini shili. Vahapu vomuvo, ngenge wa i pomanwino, opo to va hange, va patulula nokuli neehema tava shili omakaya.

Otu li mounyuni wa piyaana shili, uhe na fiku ino fya. Ounyuni u likwetele. Omunhu wa wana u kale we limwenenena to lesa ashike Ondjovo yOmwene. Dimbulukwa, Kalunga iha kwafa elai. Longela Omwene manga pe na efimbo. Otape ke u ya efimbo, Omwene to mu kongo, ndele ku mu lwete. Inatu efeni hano omboloto i we mokanya.

**Omulihongi**  
T.Ndahekelekw Paulus

## "OKUPULA HAULAYI"

Moshifo shOmukwetu sheti 15.3.1984, mepandja etiheyali, omu na oshipalanyolo: Kalunga e mu zimbula, ihe aniwa osheeti sheso oye mwene. Epulo lyandje oli li ihe mpaka:

Ngele omuntu i idhipaga ye mwene, Kalunga okwe mu zimbula? Ngele osho ngawo, Judas Iskariot wo oKalunga e mu zimbula? Nandi pukululwe.

**Sh.Namuthinongonyo**

Shika osho ongundu yolwiimbo lwegongalo ndyoka hayi ningi shili. Halwindji miituthi nenge poompito dhilwe haa longitha omaimbilo gomiifo

nenge palwe. Ohaa longitha unene Ehangano nenge Imbileni Omuwa, omambo ngoka ga gandjwa kOshigongingeleki ga longithwe momalongelokalunga.

Osoondaha yeti 8 lyaApilili, tate Kadhikwa nongundu ye, oya talele po egongalo lyaNiipa noondjimbo. Oya li yi imbi omaimbilo ge vule 10. Gahamano oga za mEhangano, gane omuImbileni Omuwa nomakwawo omiifo.


Kombinga yedhina lyongundulwiimbo lwawo, omusamane Kadhikwa okwa fatulula kutya olya zi mpoka sho egongalo Oshitayi, olya tembuka pOndangwa (mpoka pu na ngashingeyi oombelewa).

Onkene oyi itala natango kutya yo aatekulu yaShinime shlimvula, mwene gwOndangwa. Kombinga yomutungilo gwongundulwiimbo, nonando itashi dhimbululwa mongundu ye, ota ti ngeyi:

"Olwiimbo lwegongalo, olwa

dhiladhililwa kehe gumwe e ya komambo esiku ndyoka. Omukulupe, omugundjuka, omulumentu nenge omukiintu osho wo uunona."

Shoka tate Kadhikwa, okwe shi lombwele Omukwetu, a ninge ehiyo



**Omuwiliki gwomusika moshitayingeleki shOndonga, omusamane Kristian Kadhikwa.**

komagongalo agehe gomoshitayi she, gi itule mo moongundulwiimbo dhomagongalo gawo, shoka e shi tala, kutya otashi putudha wo nawa aanona omolwongeleki yokomeho.

**Sebulon Ekandjo**




**Etangalwiimbo lwegongalo lyaShitayi: aatekulu yaShinime shlivula, pethimbo lyetalelopo lyawo megongalo lyaNiipa.**

# Nakambonde a si ombaadhilila

KuJohn shitundeni

**Omunangeshefa a tseyika nawa mOwambo, Tomas Nakambonde (63) okwa si ombaadhilila metopo lya ningilwa pomahooli ga BBK mOshakati, manga a li a tegelela okunwetha ehauto lye omahooli pehala ndyoka. Oshiponga osha holokele lwopotundi ontine yokomatango mOsoondaha yeti 15 lyaApilili nuumvo.**



Omusamane Tomas Nakambonde,

**Omuevangeliste Tomas Shigwedha nokamati.kanakusa mboka ya ehamekelwa moshiponga shika oya li monkalo ya fa hwepo sho ya li ya talelwa po kaanambelewangeleki mwa kwatelelwa omutoolinkunda gwOmu kwetu.**

Omusamane Shigwedha sho a li ta kambadhala okuhokololela aayakulingeleki mbeyaka, nkene a hupu, okwa ti kutya oya pitile mekende lyokombinga yomuhingi nokamati oka li ke mu kwata mokugulu sigo yi itsu momeya gomvula ga talama noye ga longitha mokwiidhima ....

## AAKWILONGO YAALI MOMBOMA

Aatiligane yaali yokuAmerika nayo wo oya sile moshiponga shoka, sho nayo wo ya adhika taa nwetha omahooli pongalasho tuu ndjoka. Iilumbu mbika oyimwe yomaakalelipo yaAmerika, mboka ya dhike ombelewa yoshilongo shaandjawa mOvenduka moomwedhi dha zi ko.

Epangelo lyaAmerika olya kala lya kanyatela oshipatululo shokumangulula oshilongo shika muule woomvula ndatu dha zi ko tali pula Aacuba ya ze mo tango muAngola, opo aniwa ku ningwe ehogololo lya manguluka muNamibia.



**Mesiku lya landula, aantu mbopka ya li ya piti pehala ndyoka, oya li taa tala nonkumwe onene nkene omboma ya yonagula.**

Aawiliki yOongeleki muNamibia nuuyuni wopondje owa kala nokulombwela Amerika kutya aakalimo yomoshitopolwa shika otaa si konyala esiku kehe omolwiita; onkene osha puka okukwatakanitha emanguluko lyaNamibia noshinima shAacuba ye li moshilongo shaAngola sha manguluka. Shika kuAmerika osha fa kutya kasha li shi na ongushu yasha.

## 'ANO OLYE A TEGE OMBOMA?'

"Konyala omukwashigwana kehe to tsakanene, oku na epulo ndika, nonando Ngoloneya Ndjayi gwomoshilongo shika e shi pe nale mwene, sho a tile 'Kape na we ngoka ta vulu okuninga oshinima sholudhi ndoka oSwapo awike.'

## 'ITATU LWITHA AMERIKA''

Omu kwalelipo gwaSwapo kuNew York mokuuva epopyo ndika lyaNgoloneya Ndjayi gwa SWA okwa ti kutya ehanganano lye halyo lya tege omboma ndjoka tayi popiwa, oshoka yo muNamibia itaa lwitha Amerika, ndele otaa lwitha SA. Okwa gwedha ko kutya yo shoka ya hala muNamibia, ohaye shi pula epangelo lyaAmerika, muAmerika mo mwene.

## UUKWATYA WOMBOMA

Omulumentu ngoka a li ta yakula pomahooli esiku ndyoka, omusamane Paulus Raphael gwomegongalo lyaTjikuku, okwa hupu moshiponga shoka.

"Pethimbo lyetopo lya ningwa, onda adhika nda ka tala okambapila komafutilo mombelewa, inandi adhika po popomba mpoka nda li tandi longo," osho a hokololele aatoolinkundana, ytu ulike metungo ndyoka a hupila.

## NAKAMBONDE OLYE MOSHIGWANA?

Omusamane Nakambonde okwa tungitha omaalaka onene mOshakati nokwa kala ngaaka ta yakula oshigwana nayo. Mokati kaanangeshefa ooyakwawo, okwa kala omunashipundi shehangano lyaanangeshefa yokuumbangalantu waNamibia.

"Oyo yotango ya toto po ehanganano ndika,"

Osho gwilwe gwomaanangeshefa a tile sho twa tsakanene naye moshigumbo shaNakambonde omasiku ga zile ko.

## EHALA LYE MEGONGALO

Nakambonde ogwomegongalo lyaNiimwandi mUukwambi. Aasita yomegongalo lyaandjawa otaye mu hokolola ngeyi:

"Okwa kala omuuvithi megongalo nosho wo oshilyo shelelogongalo. Okwa kala wo omukwathi omunene mokukandula po oompumbwe ndhoka dha tsakanene egongalo.

## OMEHO GAAYENDANANDJILA

Manga oshiningwanima sha li oshitalala, omeho goyendji oga li taga tala nkene omboma ya longo iilonga yi nyanyalitha. Opomba yimwe yomooopomba hamano oya fulwa mo mevi komboma, e tapu ningi elambo. Opomba ndjoka oyo ayike aniwa ya li tayi longo esiku ndyoka.

Iipeleki yetala ndyoka, oya tonyagulwa nayi; nayimwe oya ekelwahi kokule. Omakende gondunda yimwe yopuushiinda nago oga tatuka mo. Mpaka pevi, omeho oga li ga tala oombinzi dhanapakana polupanda, ompile yaashihe shoka sha pipo, uupakete wuusekeleta, niihupe yonguwo dhoonakusa.

Omulukuntu gwehala ndyoka, omusamane Lisias Mtileni, sho a pulwa komunashifo shOmu kwetu, kutya meyonuko ndika omwa kanene shi thike peni, okwa yamukula kutya etengeneko inali ningwa natango.

Tala keo. 7

# UUYOGOKI WEGUMBO

ku J.Ihuhwa

## ETSIKILO:

### Ondunda yokulala

Manga inoo komba mondunda yokulala, ombete oyi na okuyalwa nawa tango. Iikumbatha nomalapi yi kutha ko kombete, e to yi tula koshipundi. Yala ihe ombete pamukalo gwokuyala. Oombanza dhethu odhi na okupitithwa mo mondunda e tadhi pupulwa nawa.

Iinguma nayi anekwe pomutenya, lumwe moshiwike. Omukalo gwokweethela iinguma mondunda omasiku ogendjigendji, ogwa puka. Iilyani otayi vulu okwiiyakela mo mondunda e tayi holama miinguma moka. Shika otashi vulu okweeta oshiponga kaantu.

### Onkombitha, elugo

Ondunda ndjika, nayo oyi na okwoopalekwa ngaashi twe shi tumbula nale. Shimwe ashike, oya pumbwa okuthetwa oontongo esiku kehe. Osikopa yiikangwa oyi na okuthetwa nokalapi okatalala kombanda, nomoshiwike kehe oyi na okudhimwa lumwe, opo iikangwa yi gwe mo.

Ino longitha oshinima shi na ondungu okuteyitha iikangwa mosikopa. Kutha mo iinima ayihe mosikopa e to yogo mo nomeya omapyu mwa tulwa o "becarbonate of soda (koeksoda)."

Ngele ope na ezimba lya tindila mokila, ohali vulu okukelelwa kekalamanya lya tulwa moraka yokila. Esiga wo olya pumbwa okwoopalekwa nawa. Omasiga oga longwa pamikalo dhi ili nodhi ili.

Gamwe oge na uusiga hau, kuthwa mo, nau kuthwe mo ano, e tau yogwa nawa nomeya nothewa. Uuna wa teleka sha meni lyesiga, onawa u yenyeye esiga okathimbo, e to li dhimi. Kutha ihe o "Zeb" e to pombele pomahala mpoka pu na omagadhi.

Etha ihe omuti gu nine po omagadhi. E to kutha okalapi hoka ke lile po eopaleko lyosikopa nomasiga, nomeya omapyu ge na othewa. Tamaka okuyoga moombuli, mooha e to hugunine pevi.

Endulula mo ihe nomeya omasimpuli. Peha lyokuyogela iiyaha, napu kale aluhe pwa yela. Ngele iiyuma itayi yogwa pethimbo ndyoka, nayi longelwe nawa moshiyaha. Oombiga odhi na okukwalwa nothewa yo "Sunlight."

Oombando dhoombiga nadhi kwalwe noondhahate dhoongoyo oonene. Iikulya yimwe ohayi patekene poonkogo dhoombiga noyi na okuyogwa po nokakombe ke lile po oshilonga shoka. Uuna wa mana okuyoga iiyuma, nayi simpulwe nawa nomeya omayecele.

Oshiyaha shokuyogelwa, oshi na wo okuyogwa, osho wo oosikopa dhiitenda nesiga, e tali thetwa nokalapi ka tuta. Omukalo gwokweetha omakopi ga lala pevi, aanona ngele ya mana okunwina mo, go taga toolwa po e taga pupulwa owala ngele omuyenda e ya po a pelwe mo ontaku, nagu se.

Omatenga, oompamba nosho tuu iilongitho yilwe, nayi kale hayi opalekwa. Okaluhwati okashona ke lilepo omalilo nosho wo iikwatelwa yimwe, nako naka opalekwe. Iiyuma mbika ngele yo opalekwa, nayi pungulwe nawa.

Omakopi, oluko nomatenga otaga vulu okulekwa kokapilangi ka dhengelwa oomboha nenge kiiti yondunda. Iiyuma iikwawo otayi vulu okulongelwa miipakete ya longelwa kumwe pamukalo gwosikopa. Oombeles noosindo nadhi longelwe mokapakete ngaashi koongaku.

Omakalo gwokweetha ombiga inaayi yogwa, ogwa puka. Konima yomwiha, iiyuma ayihe nayi yogwe. Elugo lya kaka, niyuma ya lala inaayi yogwa, otayi hiya omapenzu noombuku. Niilyani mbika ohayi taandelitha omikithi.

Epenzu limwe ohali vala omapenzu ogendji, onkee ngele wa mono epenzu limwe tali inyenge megumbo, onawa u endelele wiilande omuti ngoka hagu ga dhipaga ngaashi "Odeachroadhe" na "Cockroach Killer" odho dhimwe ihaadhi dhana komapenzu. Omiti ndhika nosho wo uumwigo woombuku, ohayi monika moositoladhomiti, shimpa tuu to dhi longitha pamautho noitadhi kala popepi naanona.

### Taku tsikilwa

## Eso lyaNakambonde

### Dha za kep. 6

#### "ETOPO OLYE TU HALUTHA"

Omukalimo gumwe gwomOshakati ngoka e li uushiinda nongalashé mpoka pwa monikile oshiponga, ondjundo yuunene wetopo okwe yi hokolola ta ti:



**Efano otali ulike omupresidende gwehangano lyaanangeshefa kuumbangalantu waNamibia, omusamane Nangolo dhajakob nomupeha gwe. Oya fanekelwa poshigumbo shakuume kawo, nakusa Nakambonde ya kwata okandumba kiimaliwa ya konda 4,000,00 mbyoka ya gengelele emanya lyaNakambonde.**



**Aanegumbo lyanakusa T.Nakambonde. Omuselekadhi ota monika a kuutumba pokatilela u ukata okanona.**

"Omutopo ogwa halutha ndje. Onda li ndi shi etopo olya ningwa maandjetu. Iipeleki yaayetutu onda li ndu uvite ya fa tayi kakama ....," osho a ti.

### ETOKOLO LYAANANGESHEFA

Omupresidende gwehangano ndyoka lyaanangeshefa opo tali dhikwa omusamane Nangolo dhajakob mOndonga okwa li i ithana aanangeshefa ooyakwawo, opo ya gongale paulumompumbwe manga nokuli efumviko inaali ningwa meti 20 lyaApilili.

Moonkundathana ndhoka ya li ya ningile moshigumbo shanakusa, oya tokola ya kuthe akwanezimo yanakusa omutenge gwokulanda emanya noye gu ningi oshimpwiyu shawo. Oya yi moondjato dhawo noya gongele iimaliwa yi vule omayoyi gane, opo yi ka lande emanya lyaakuume kawo muunangeshefa.

Oya ti kutya oya hala etokolo ndika lyi tsikile nomonakuyiwa nosho wo uukumwe waanangeshefa yehangano ndika u kale wa kola.

"Otatu indile wo opo Kalunga e tu pe ishewe omuwiliki e na omukumo a fa nakusa," osho Nangolo a ti.

## Oinima yefimbo eli

MuNamibia omu na oinima ihapu tai fitike o-matwi, ndele kamu na nande shimwe tashi hafifa, kakele keudifo lEvaengeli. Omunhu oto nyengwa kushiiva, kutya naku i ninga olyelye.

Hano shiwana, natu taleni ashike eshi Kalunga te tu longele. Tu diinineni ashike okwiindila, tuhe na edimbuko.

Elisie J.T. Joseph

# Omasiku gane ageke

KuLiina Mpanda

ETSIKILO:

"Anna yaFilippus ihe endwa kosikola hoka," osho yina a ti.

"Okwa fa Saara. Ku wete kutya hela ya za inaa shuna nande mongundu!" omusamane ngoka e dhi koleke.

"U tya yo ohaa shendjelathana owala uutanga nuutiyali woonzapo dhawo," yina yaAnna a tsikile ekoleko.

"Ano Mukwanekamba, oto ti aanona oyetu we mbono? Mboka oyo taa pulwa muuyuni wananena. Nando tatu kambadha nayo niimuna yetu, hatatu ningi owala ndi sa nalye!"

Manga taa popi, Anna e ya megumbo. "Owa li peni mumwandje, sho iikombo ya teya po epya lyaho nguka?" Ohe tuu shili, oshoka oye e mu thikamena.

"Aawe, meme, iikombo iyali ayike ya li mo noya li mo omathinde gatatu ageke."

Yina a dhimbulula, kutya Anna oko a li keyya, oshoka omusamane Ngonga osho wo a hokolola.

"Owa li nee peni ngoye? Omathinde ngoka ndishi oga longwa nuudhigu kooyene?" osho yina a kambadhala okudhima po enengeneko lyeyono muAnna.

Epulo ndyoka lyayina nosho omeho gomuthikamena gwe, oga thiminike Anna okuholola oshili ayihe. Okwa ndjandjukununa lwotango omalonge-kidho ge agehe ga zi metokolo lya ningwa momwenyo gwe, ongulohi yOsoondaha. Okwa yelitha wo

## OMBILI KOVATAMBULI VOMUKWETU

Omafimbo aa oifo yetu oya kala tai tokelwa unene, ndele osha dja eshi omashina etu a kala efimbo lile e he li nawa. Vali omwa koneka yo peemhito dimwe ombapila yoshifo hayo oyo twa kala hatu longifa shito, naashi osha etwa koilonga yolutenda eshi tai endifa eefulaha kanini. Ombili vakwetu mwaaishie ei.

Otu na eteelelo, komesho aishie otai ka enda nawa ngaashi shito.

Hamushanga wOmwukwetu

oshilalakanenwa she nomolwashike inee li holola nale puuyelele.

Omeho gomunona otaga adhima kenyanu mokuhololola kwe. Ihe omeho gaakuluntu mbaka yaali otaga yogo omahodhi. Oya hendwa koshili yomunona nokuupenda we mokukondjela uuwanawa.

Inaye mu hololela manga ashihe shi inyenge muyo. Yina okwe mu pe omwiha nokwa thindikile omusamane Ngonga.

Ongulohi, Anna okwa tegelele yina a tye sha kehempululo lye. Ihe yina okwa mwena. Omunona a tile wo: "Omulongi gwetu omupe okwa ti, atuhe natu kale mootundi ongula, opo tu pulakene nkene twa nyola notu pulakene mboka taa yi kOstanda ontintatu. Aniwa ngoka gwotango mekonakono ndika, ota ka pewa embo lyomwaaalu omagano."

"Onawa!" osho ashike yina a yamukula Ina hala unene okwiitula mo, oshoka okwa tseya uuwehame momwenyo gwokamwana molwosikola.

Kombinga omukulukadhi Helena, okwa li a tila omusamane gwe, pamwe ote ya okugeya kiimuna ye. Ihe kombinga onkwawo oku na ngaa omukumo mokutala shoka nonkene Anna a longo mepya nomegumbo. Shika otashi ke mu pa epopilo ewanawa kuhe.

Uusiku mokulala, Anna ina kotha mbala. Omadhiladhilo ge oga siikilwa ishewe komilema.

"Iikombo mbika ya lola iilya, itayi ka pitika we ndi kale mootundi. Ye meme ku shi a panda shoka nde mu lombwele. Oshipala she inashi nengena nando okashona, ye ina tya wo tuu ota ka kala kiimuna, manga tandi ya.

"Tandi faula nena ngamee! Ihe ndishi ongula itatu nyola. Otandi tala aluhe mekende, ngele iikombo tayi yi, opo ndi ke yi galule," osho a hulitha oluhodhi lwe nokwa kotha ihe.

Ongula sho taa longo nayina mepya, Anna ota ngendjulwa tuu momwenyo koshilonga shaNekonda nomwana shohela. A dhimbulukwa ishewe, kutya shampa tuu ya yoololwa, otaa ka hulithila ootundi dhawo mondjugo yawo ompe, ndjoka ya dthingilila ko kashona iimuna ye. Etokolo lye lya dhimeya nokwa kwatwa ketyololoko enene.

(Taku tsikilwa)

# Omukundañeki Halweendo

"Esiku lyiifundja"

"Esiku lyiifundja?"

"Eeno tate."

"Kwa kala esiku lyiifundja?"

"Eeno tate, okwa kala esiku lya tya ngaaka."

"Esiku ndyoka ohali ningwa uunake nokoolye nopeni?"

"Ohali ningwa aluhe momwedhi nguka Apilili nohali simanekwa unene kaagundjuka yomUushimba."

"Oshike naanaa shono aagundjuka haa ningi mesiku ndyoka?"

"Ohaa kala owala taa lombwelathana iifundja, ya fa taa popi oshili... Haagundjuka ayeke, ihe naakuluntu wo yamwe, ohaa dhimbulukwa esiku ndyoka nohali ya kutha ezaza."

Ndhika odha li oonkundathana dhetu nokamati kamwe nde ka tseya nawa, ka li mombelewa yandje omasiku ngaka, taka pula ndje ngele ondi shi, kutya esiku lyiifundja uunake," osho Halweendo a ti sho a li ta gandja oonkundana kaanankundana yiifo.

"Sho okamati nde ka hololele okwaatseya sha kwandje kombinga yesiku ndyoka, oka piti mo mombelewa," Halweendo ta tsikile... "Konima yokathimbo tse nokamati haka otwa tsakanene ishewe momikala dhetungo ndyoka lyiilonga noka lombwele ndje, taka ti:

"Sho nda zi pungoye, onda ka pula ishewe palwe epulo ndiyaka nde ku pulile nonda lombwelwa kutya nani esiku lyiifundja olya pita nale, oshoka ohali kala ko aniwa molyotango lyaApilili."

"Oo-h, Hamba oto popi esiku ndyoka iigwana yimwe muuyuni hayi hepekathana miineya mokulombwelathana omashendjo niinima yaa shi yomondjila?"

"Aawe, nda dhimbulukwa mumati gwa ndje. Esiku ndyoka olya piti nalenale shili. Ishewe kali shiwiwe nokuli koye-ndji yomaaleshi yetu."



# EMANGULUKO OSHIKE HANO?

Ku A.L.Nghifikwa

Oshitya 'emanguluko', ngenge hatu shi tale paunhu, osho oshitya shidjuu. Otu shi shii ashike ongoshitya, ndele efatululo lasho, inali tu yelega nawa. Omunhu oho udu ko ashike nawa, oshinima osho wa mona nowe shi kuma.

Mokati ketu omu na ovanhu va enda koilongo ya manguluka. Vamwe ova li kuZambia, vamwe ova li ku SA, vamwe kuLesotho, vamwe kuAmerika vamwe kOsosomi nosho tuu.

Ovanhu va tya ngaha, kashiimba ove shii sha kanini kemanguluko ve tu dule, ashike inandi linekela tava dulu oku li tu fatululila nawa. Pakutala kwange eshiivo lavo kombinga yemanguluko, ola fa ashike lomunhu a lavela mombiya yombelega.

Omunhu oo oha shiiva ashike kutya mombiya omwa fingala, ndele ita dulu oku ku lombwela ngenge ombelega oinyenye. Ine i lya.

Molweshiivo letu inali wana, keshe umwe ohe liningile nee efano laye lemanguluko. Omafano a tya ngaha, luhapu okwa yooloka. Keshe umwe emanguluko ohe li diladila shi lili.

Umwe womovapangeli va fimana moilongo ya Afrika ei ya manguluka, okwa popile fiku limwe ta ti: "Ovanhu vomoshilongo shange ongehe va hovelele okwiimba nokudana fiku lemanguluko loshilongo shetu, ndele fiyo onena ngaho otava imbi vo tava dana, ve li meembaa omutenya ausho, ponhele yokuhala tava longo."

Kovanhu vomoshilongo shinya, emanguluko okwiimba ashike nokudana nokunwa. Kali fi emanguluko loshiyele olo? Kovanhu voshiwana shange, emanguluko oshike? Okumona epangelo lipe? Okuya mechetela nokuhombolafana noindele? Okumona ehongo li fike pamwe needjabi di fike pamwe? Okumona oilonga iwa noimaliwa ihapu? Ngenge osho twa tala emanguluko osho, otu li mounyuni weendjodi.

**Emanguluko otali tu pula shihapu, shi dule eshi tali tu etele. Emanguluko oshinakuwanifwa, kali fi omaxuku eengongo a pepwa. Emanguluko otashi dulika li tu ninge eehepele shi dule eshi tu li paife.**

Ope na ovanhu hava diladila, kutya emanguluko ngenge le uya, ovanhu otava kala ashike va nangala. Aishe otai ke uya po ashike kuyo vene, tai di koshilongo shovakwamhungu.

Omadiladilo oo okwa pingafana noshili yemanguluko. Emanguluko olinyenye shili li dule omaadi eenyiki, ndele ongenge ashike tali endelega pamwe nouidiinini woilonga. Oinima ei ivali oi fike pamwe.

Otashi kwafa shike omunhu a ninge eumbo, ndele oho ka lya ouvalelo komaumbo? Oto ka kala ngaho u na omukumo wokutya 'eumbo lange?' Ovanhu otava ka kala ngaho ve na omukumo wokutya 'ohatu i koongadi?'

Eumbo la tya ngaha, otali ka teka po, osheshi ito dulu okweenda alushe omaufiku to ka konga omauvalelo komaumbo ovalumenhu vakweni.

Emanguluko hakudana oshivilo shemanguluko. Emanguluko olo onghalo ei tai ka kala moshilongo

ngo konima yedano loshivilo shemanguluko. Ngenge ovaenda va fimana voshivilo va shuna koilongo yavo, nomilongelo demanguluko da pungulwa ile da longifwa po, opo taku monika nee oukwatya wemanguluko.

**Efimano lovalihomboli itali holoka nande mondilo yoikutu yavo ile moikulya ihapu yomoshivilo (ngaashi hashi diladilwa moshilongo shetu.) Efimano otali holoka monghalo yeumbo lavo, oshivilo ngenge sha pu.**

Emanguluko lopapolitika olo alike inali wana. Ope na yo okukala emanguluko meemhumbwe defiku keshe, tali etwa po kouidiinini woilonga, wa dja meudeko loshinakuwanifwa.

Ope na okukala emanguluko kondjala, koluhepo nokomikifi. Eshi otashi dulika ashike ngenge ovanhu vomoshilongo, unene ovanyasha, tave lihongo notava longo neenghono, opo va djabule omufika wouhongelwa, weputuko nowomaxupilo oshilongo.

**Oshinyolwa eshi osha popiwa komutonatelifikola Nghifikwa, moshongalele shimwe shovaho ngifikola. Otashi ka holoka moinhoko itatu moshifo eshi. Oshinhoko eshi osho shotete. Moshinyolwa eshi inamu kwatelelwa ashike ovahongifikola, ndele omunhu keshe poshilonga shaye osho e kwete.**

Ngenge hasho, oikulya noinima ikwao otai ka ninga ondilo, ndele ondjala noluhapo tali pangele oshilongo. Ope na oilonga imwe omo omboloto tai dulu okukosha R1,00 sha etifwa po kokuhalonga kwovanhu.

Elixumifokomesho lopaumwene, eli le lipyaki dilwa nalo kovahongi vetu, otali pandulwa neenghono, osheshi otali yelula po omufika weputuko nowouhongelwe woshiwana shetu. Emanguluko ola fa omuti u na eenyiki.

Omunhu ngenge owa mono eenyiki di li momuti, oho kala wa hafa, ashike ito dulu okulya omaadi ado fimbo ino di panda mo. Dr. Kaunda okwa tile: "Omunhu ngenge to pande eenyiki, ito teelege ashike okulya omaadi ado, ou na yo okulilongekidila okulika keenyiki."

Emanguluko ohali kala ashike liwa ngenge tali endelega pamwe noshinhwi.

Moshilongo sha manguluka, keshe umwe oku na okuidiinina oshinakuwanifwa shaye. Ovanashilonga ngenge otava diinine oshilonga shavo, ovalihongi tave lihongo nouidiinini nde tava piti

nawa omakonakono, ovanailonga tava diinine oilonga, emanguluko otali kala liwa kufye nohatu ka kala alushe tu na omukumo wokutya "oshilongo oshetu."

Umwe woilongo ya manguluka fiku lemanguluko loshilongo shavo okwa lombwela oshiwana shaye etumwalaka tali ti: "Emanguluko noilonga." Moshilongo shinya emanguluko noilonga, oshinima shimwe. Novanhu osho ve shi tala ko ngaho fiyo onena. Moshilongo shinya eembaa ohadi uhala da patwa, ovanhu tava ka nwa ngenge va dimbuka.

Moshilongo shetu, otu na efano li lili. Kashi fi oshinima sha pumba okuhanga omunashilonga ta nu omikonyo pefimbo loilonga. Kashi fi oshinima sha pumba okuhanga ovalihongi tava nu pefimbo leetundi. Kashi fi oshinima sha pumba okumona omuhongi a faula ashike.

Moshilongo shetu ovanhu ohava fii omatemo momapya, ndele tava ka nwa, eemalodu davo. Elao oli li ashike opo eshi ihashi ningwa kovahnu vahapu. Ashike olyelye e shii eshi tashi ka kala konima yeedula nhano? Olyelye e shii kutya emanguluko otali ke tu hanga twa tya ngaehlipi?

Onda popya oshitya 'oshinakuwanifwa' osho pakutala kwange, tashi ti, 'oilonga.' Oilonga oyo oshinakuwanifwa shomunhu shopheshito. Omunhu pokushitwa kwaye, okwa pewa oilonga.

Okwa tulwa mepya e li longe ye e li kelege. Oshinakuwanifwa sha tya ngaha, osha pewa omunhu manga ina nyona koshipala shaKalunga, ina fingwa. Eshi osha yela nee kutya, oilonga kai fi oshiponga, kai fi oulunde, osheshi inai dja mefingo.

Oilonga oyo okuninga po sha, osho tashi kwafa tashi yakula notashi eta ouwa moshiwana, mongeleki ile monghalafano. Oilonga otai pupaleke onghalo shi dule eshi ya li nale, osheshi otai eta po oiimati iwa, oiimati ihai kuka, tai liwa notai ka liwa komapupi nomapupi.

Okulonga otashi ti okuninga sha, okweeta po sha, osho ngeno kwa li po, ngeno inashi holoka po. Ashike oshi na okukala shi na oshilonga notashi tungu.

Ngenge ove auke tashi wapalele, nena ou na nale enyamukulo, ino longa sha, ino wanifa oshinakuwanifwa shoye. Ou na okupunapaleka ounyuni, shi dule eshi u li paife.

Okuhalonga sha, kaku fi oshinakuwanifwa. Okulya ashike nokukofa ile okukala omutumba to lesa oifo, nasho kashi fi oshinakuwanifwa. Kashi fi oilonga, ongaashi naanaa okufuda kuhe fi oilonga nande, ohaku ningwa lwomayovi motundi keshe.

Ope na ovanhu vamwe vehe na oshilalakane nwa. Kave shii kutya omolwashike ve li kombada yedu. Kave shii kutya omolwashike ve na omwenyo. Kave na elalakano lasha monakwiiwa. Inava hala oilonga, kave na ekondjo lasha mukulamwenyo kwavo.

Ngeno ovanhu va tya ngaho tu va pule hatu ti: "Ookaume, otamu lalakanene shike mokukalamwenyo kweni noshinakuwanifwa sheni oshike?" Ngeno otava nyamukula tava ti: "Fye ohatu li ndele hatu nu, hatu kofa, fye hatu pe-

Tala kep. 10

# EMANGULUKO

## Dha za kep. 9

nduka ohatu djala fye hatu lidula, ohatu ende fye hatu popi.

“Ohatu yandje yo omakambilaka kwaava tave tu pukulula. Inatu hala okulonga edu, ohatu li kelele ashike.”

Onghenda inene eshi mongudu yovanhu va tya ngaha mu na novanyasha ava ve li onakwiiwa yoshilongo. Okuhalonga sha, oko oshiponga, ndele oko yo oshimbide shelao lonakwiiwa nomutondi a kula wemanguluko loshilongo keshe. Oshiwana oshi na oluhodi linene molwovanhu va tya ngaho.

**Pefimbo eli otu na oilonga yomaludi mahapu, oyo ya pumbiwa notai kwafa. Pefimbo eli otu na yo omangongoto mahapu molwoilonga imwe ihai wanifwa. Ame onda itavela, kutya ovahongi ovo ashike tava dulu okuhulifa po omangongoto oo, osheshi ovo ve na oshapi yeputuko loshilongo momake.**

Onakwiiwa yoshilongo shetu, paukrise ile paputuko, panghalafano, pamaxupilo nopaupolitika, oye li kwatelela kwaashi tashi etwa po kovahongi ongoshinakuwanifwa shavo shefiku keshe.

Oilonga, unene yopaifano, kai fi omaxupilo, oyo oshinakuwanifwa. Oilonga ngenge oya ningi yovakongi vomaxupilo, ngaashi tashi li nyenge paife, oshiwana otashi ka hepa.

Omunashinakuwanifwa umunashilonga oye oo a itavela kutya ye omuyakuli woshiwana, ke fi omuhona. Okukala komesho yovanhu, kaku fi ouhona, ngaashi ovanhu vamwe ve shi tala. Ovaona ovanhu ava tava yakulwa.

Omunafitola oku na okweendelela po ovalandi, osheshi ovo a tungila ofitola. Haku va tala ashike a mwena, va fa ve uya okuhavala. Omulongifikola oku na okuuda ongunga ngenge e uya pefimbo la pwa po, ile ine lilongekida.

Omuhakuli oku na okufimaneka ovanaudu, noku va yakula nombili, osheshi oshihakulilo oshavo. Omunambelewa oku na okuyakula diva ovanhu, osheshi osho e lile po. Omufitaongalo oku na okupwilikina eongalo eshi tali ti, osheshi olo omuhona waye.

Otu na ovanashilonga ve shii oshinakuwanifwa shavo, vamwe vomuvo ovahongifikola. Omunhu oto va etele ashike onghenda, osheshi omunhu ku na oitya yoku va pandula.

Ope na yo ovanashilonga vahapu ihava wanifa oilonga yavo. Omunhu oto va nyematele ashike, osheshi oto nyengwa oku va pukulula. Inapa pita efimbo lile, eshi mOmukwetu mwa li eemhata di na sha nokuhawanifa oilonga. Omukalo muwa wokuulika kutya omunhu oha longo noudiinini, haku twa eemhata. Ovananyalo ovo aveke ve na efimbo leemhata.

Ope na ovanashilonga vamwe moshiwana shetu, ovahongi ile ovahakuli, ovafitaongalo ile ovanafitola, ovapolifi ile ovapangeli va li ngeno ve na okuyakula nawa oshiwana shetu, ngeno va ningile ashike nande ovanamapya ile ovatungi veengulu.

Ope na oshinima shinene shi na alushe oku-diininwa, osho efimbo. Omunhu keshe na longe oilonga yaye ei ya ufilwa efiku olo, opo a ha ete ekanifo monghalafano. Omunhu ngenge ta ningi oshityani moilonga, ota eta ekanifo, osheshi eshi kwa li e na oku shi ninga mefimbo lixupi, otashi ke mu pula efimbo lile.

Efimbo la tya ngaho, ola hepa fiyo alushe. Efimbo oli na ondilo li dule oshimaliwa. Oshimaliwa ohashi kongwa nge sha kana nohashi shendjwa nge sha kulupa, ndele efimbo nge la kana, ola kana fiyo alushe. Kali na vali fiku nali ke ku alukila.

Louis Pasteur, umunongononi a fimana, okwa li ha ngongota ta ti: “Oufiku oule u dule omutenya.” Okwa li e hole oilonga komesho yeemho fi. Okwa li omulumenhu e shii oshinakuwanifwa shaye nokwa etifa po oinima ipe hai longifwa mounyuni fiyo onena, noya ninga ounyuni u kale pashinanena.

Efiku oli na eetundi omilongo mbali nanhe, omulongo nambali doufiku nomulongo nambali domutenya. Manga ovanashilonga vomoshilongo shetu vamwe tava ngongota pamwe na Louis Pasteur, va hala omutenya u wedelwe, ope na ovanhu vamwe tava indile va hala oufiku u wedelwe.

Ope na ovanhu vahapu, vamwe vomuvo ovanyasha, ihava udu ongunga ngenge tava pitilwa ketango koshi yoikumbafa. Otwa pewa eemho fi opo tu tulumukwe, ndele inatu pewa eemho fi opo tu kofelele.

Oshi na okukala oshinakuwanifwa shovanyasha vetu okulonga kolamba, ndele hakuminikilwa ketango momulele. Efimbo oli na okulongifwa nawa, opo tu dule okuwanifa oilonga yetu. Ope na oilonga ihapu i na oshilonga ya li i na okukala ya longwa nale, ndele inai longwa vali, osheshi ava va li ve i linekelelwa, inava longifa nawa efimbo.

Inava mona ngaho eimbo li na oshilonga, ndele ova kala ashike tava popi ile tava danauka, tava endaenda ile va mwena ashike. Ovanhu va tya ngaho, ove lilongela okumangelwa emanya loshini kofingo, ndele tava ekelwa moule wefuta.

Omolwavo oshiwana inashi mona ekwafo eli sha teelega kuvo. Ondi udite ohoni eshi ame umwe womovanashilonga va tya ngaho, nande ohandi yayaana apa.

Taku twikilwa

## Ebandela lyaSWAPO kondundu yaKilimanjaro

Komutse gwondundu yaKilimanjaro, Ehanga-no lyaSWAPO, olya tsilike ko ebandela lyalyo. Kilimanjaro, ondundu onde yi vule adhihe muAfrika, ya kala muTanzania.

Shika osha kuthwa mehokololo lyomusamane Herman Toivo yaToivo, sho a galuka molweendo lwe lwomwedhi gumwe miilongo yaAfrika.

Omusamane yaToivo, okwa lombwele aatoolinkundana, kutya ye okwa li u uvite uuntsa mokutsakanena kwe nomanyakwa gaali, iilyo yaSWAPO muAngola, mbyoka ya hokololwa ya pewa oonzapo kepangelo lyaTanzania, sho ye shi pondola okutsilika ebandela lyongundu kondungu yondundu ndjoka onde yi vule adhihe muAfrika.

Kilimanjaro, ondundu ya simana nohayi talelwa po kaayenda taa zi miilongo ayihe yuuyuni. Osha fa osho omukalo, kutya kehe ngoka e shi pondola okulonda ondundu ndjoka noku-thika komutse gwayo, oha tula ko ebandela lyoshilongo shaandjawa.

Ondundu ndjika, oyi na omitse mbali, omutse gumwe ohagu ithanwa Kibo, nogu na uule woompadhi 19,340 nomutse omukwawo ohagu ithanwa Mawenzi, nogu na uule woompadhi 17,300. Inapu tseyika nawa mehokololo lyaya-Toivo, kutya okomutse guniyo ebandela lyaSWAPO lya tsilikwa. Osho wo inapu tumbulwa omadhina gaamboka ye shi ninga.

Pahokololo ndyoka lya pewa aaniifo, Aanamibia mboka oya pewa oonzapo kepangelo lyaTanzania omolwesindano lyawo enene.

(Observer 14/4/1984)

## YaToivo a galukile kuNamibia

**Omusamane Herman Toivo yaToivo okwa galukile muNamibia petameko lyomwedhi nguka, konima sho a talele po omusamane Sam Nujoma, omupresidende gwaSWAPO osho wo iilyowiliki yongundu naawiliki yilongo yomuumbugantu waAfrika.**

YaToivo okwa li a zimininwa etalelopo lya tya ngeyi kepangelo lya SA, konima ashike yomasiku omashona sho lya li lye mu egulula mo mondholongo ndjoka e yi longele omimvo 16, kwa hupa omimvo ne.

Ombapila yeziminino lyokumweenditha ngeyi pondje, oya li yi na ashike omasiku 30, nomusamane yaToivo, okwa galukile moshilongo, manga ku na ashike ootundi dhontumba yi kanithe oonkondo.

Nonando ye mwenge okwa tindi okuhokololela aatoolinkundana kombinga vetalelopo lye kiilo-

**Dhimbulukitha wo mukweni a mbesitele oshifo 1984**

Tala kep. 11

# EMANGULUKO

## Dha za kep. 9

nduka ohatu djala fye hatu lidula, ohatu ende fye hatu popi.

“Ohatu yandje yo omakambilaka kwaava tave tu pukulula. Inatu hala okulonga edu, ohatu li kelele ashike.”

Onghenda inene eshi mongudu yovanhu va tya ngaha mu na novanyasha ava ve li onakwiiwa yoshilongo. Okuhalonga sha, oko oshiponga, ndele oko yo oshimbide shelao lonakwiiwa nomutondi a kula wemanguluko loshilongo keshe. Oshiwana oshi na oluhodi linene molwovanhu va tya ngaho.

**Pefimbo eli otu na oilonga yomaludi mahapu, oyo ya pumbiwa notai kwafa. Pefimbo eli otu na yo omangongoto mahapu molwoilonga imwe ihai wanifwa. Ame onda itavela, kutya ovahongi ovo ashike tava dulu okuhulifa po omangongoto oo, osheshi ovo ve na oshapi yeputuko loshilongo momake.**

Onakwiiwa yoshilongo shetu, paukriste ile paputuko, panghalafano, pamaxupilo nopaupolitika, oye li kwatelela kwaashi tashi etwa po kovahongi ongoshinakuwanifwa shavo shefiku keshe.

Oilonga, unene yopaifano, kai fi omaxupilo, oyo oshinakuwanifwa. Oilonga ngenge oya ningi yovakongi vomaxupilo, ngaashi tashi li nyenge paife, oshiwana otashi ka hepa.

Omunashinakuwanifwa omunashilonga oye oo a itavela kutya ye omuyakuli woshiwana, ke fi omuhona. Okukala komesho yovanhu, kaku fi ouhona, ngaashi ovanhu vamwe ve shi tala. Ovahona ovanhu ava tava yakulwa.

Omunafitola oku na okweendelela po ovalandi, osheshi ovo a tungila ofitola. Haku va tala ashike a mwena, va fa ve uya okuhavala. Omulongifikola oku na okuuda ongunga ngenge e uya pefimbo la pwa po, ile ine lilongekida.

Omuhakuli oku na okufimaneka ovanauudu, noku va yakula nombili, osheshi oshihakulilo oshavo. Omunambelewa oku na okuyakula diva ovanhu, osheshi osho e lile po. Omufitaongalo oku na okupwilikina eongalo eshi tali ti, osheshi olo omuhona waye.

Otu na ovanashilonga ve shii oshinakuwanifwa shavo, vamwe vomuvo ovahongifikola. Omunhu oto va etele ashike onghenda, osheshi omunhu ku na oitya yoku va pandula.

Ope na yo ovanashilonga vahapu ihava wanifa oilonga yavo. Omunhu oto va nyematele ashike, osheshi oto nyengwa oku va pukulula. Inapa pita efimbo lile, eshi mOmukwetu mwa li eemhata di na sha nokuhawanifa oilonga. Omukalo muwa wokuulika kutya omunhu oha longo noudiinini, haku twa eemhata. Ovananyalo ovo aveke ve na efimbo leemhata.

**Ope na ovanashilonga vamwe moshiwana shetu, ovahongi ile ovahakuli, ovafitaongalo ile ovanafitola, ovapolifi ile ovapangeli va li ngeno ve na okuyakula nawa oshiwana shetu, ngeno va ningile ashike nande ovanamapya ile ovatungi veengulu.**

Ope na oshinima shinene shi na alushe okudiinwa, osho **efimbo**. Omunhu keshe na longe oilonga yaye ei ya ufilwa efiku olo, opo a ha ete ekanifo monghalafano. Omunhu ngenge ta ningi oshityani moilonga, ota eta ekanifo, osheshi eshi kwa li e na oku shi ninga mefimbo lixupi, otashi ke mu pula efimbo lile.

Efimbo la tya ngaho, ola hepa fiyo alushe. Efimbo oli na ondilo li dule oshimaliwa. Oshimaliwa ohashi kongwa nge sha kana nohashi shendjwa nge sha kulupa, ndele efimbo nge la kana, ola kana fiyo alushe. Kali na vali fiku nali ke ku alukila.

Louis Pasteur, omunogononi a fimana, okwa li ha ngongota ta ti: “Oufiku oule u dule omutenya.” Okwa li e hole oilonga komesho yeemhofi. Okwa li omulumenhu e shii oshinakuwanifwa shaye nokwa etifa po oinima ipe hai longifwa mounyuni fiyo onena, noya ninga ounyuni u kale pashinanena.

Efiku oli na eetundi omilongo mbali nanhe, omulongo nambali doufiku nomulongo nambali domutenya. Manga ovanashilonga vomoshilongo shetu vamwe tava ngongota pamwe naLouis Pasteur, ya hala omutenya u wedelwe, ope na ovanhu vamwe tava indile va hala oufiku u wedelwe.

Ope na ovanhu vahapu, vamwe vomuvo ovananyasha, ihava udu ongunga ngenge tava pitilwa ketango koshi yoikumbafa. Otwa pewa eemhofi opo tu tulumukwe, ndele inatu pewa eemhofi opo tu kofelele.

Oshi na okukala oshinakuwanifwa shovanyasha vetu okulonga kolamba, ndele hakuminikilwa ketango momulele. Efimbo oli na okulongifwa nawa, opo tu dule okuwanifa oilonga yetu. Ope na oilonga ihapu i na oshilonga ya li i na okukala ya longwa nale, ndele inai longwa vali, osheshi ava va li ve i linekelelwa, inava longifa nawa efimbo.

Inava mona ngaho eimbo li na oshilonga, ndele ova kala ashike tava popi ile tava danauka, tava endaenda ile va mwena ashike. Ovanhu va tya ngaho, ove lilongela okumangelwa emanya loshini kofingo, ndele tava ekelwa moule wefuta.

Omolwavo oshiwana inashi mona ekwafo eli sha teelega kuvo. Ondi udite ohoni eshi ame umwe womovanashilonga va tya ngaho, nande ohandi yayaana apa.

Taku twikilwa

## Ebandela lyaSWAPO kondundu yaKilimanjaro

Komutse gwondundu yaKilimanjaro, Ehanga no lyaSWAPO, olya tsilike ko ebandela lyalyo. Kilimanjaro, ondundu onde yi vule adhihe muAfrika, ya kala muTanzania.

Shika osha kuthwa mehokololo lyomusamane Herman Toivo yaToivo, sho a galuka molweendo lwe lwomwedhi gumwe miilongo yaAfrika.

Omusamane yaToivo, okwa lombwele aatoolinkundana, kutya ye okwa li u uvite uuntsa mokutsakanena kwe nomanyakwa gaali, iilyo yaSWAPO muAngola, mbyoka ya hokololwa ya pewa oonzapo kepangelo lyaTanzania, sho ye shi pondola okutsilika ebandela lyongundu kondungu yondundu ndjoka onde yi vule adhihe muAfrika.

Kilimanjaro, ondundu ya simana nohayi talelwa po kaayenda taa zi miilongo ayihe yuuyuni. Osha fa osho omukalo, kutya kehe ngoka e shi pondola okulonda ondundu ndjoka noku-thika komutse gwayo, oha tula ko ebandela lyoshilongo shaandjawa.

Ondundu ndjika, oyi na omitse mbali, omutse gumwe ohagu ithanwa Kibo, nogu na uule woopadhi 19,340 nomutse omukwawo ohagu ithanwa Mawenzi, nogu na uule woopadhi 17,300. Inapu tseyika nawa mehokololo lyayaToivo, kutya okomutse guniyo ebandela lyaSWAPO lya tsilikwa. Osho wo inapu tumbulwa omadhina gaamboka ye shi ninga.

Pahokololo ndyoka lya pewa aaniifo, Aanamibia mboka oya pewa oonzapo kepangelo lyaTanzania omolwesindano lyawo enene.

(Observer 14/4/1984)

## YaToivo a galukile kuNamibia

**Omusamane Herman Toivo yaToivo okwa galukile muNamibia petameko lyomwedhi nguka, konima sho a talele po omusamane Sam Nujoma, omupresidende gwaSWAPO osho wo iilyowiliki yongundu naawiliki yilongu yomuumbugantu waAfrika.**

YaToivo okwa li a zimininwa etalelopo lya tya ngeyi kepangelo lya SA, konima ashike yomasiku omashona sho lya li lye mu egulula mo mondholongo ndjoka e yi longele omimvo 16, kwa hupa omimvo ne.

Ombapila yeziminino lyokumweenditha ngeyi pondje, oya li yi na ashike omasiku 30, nomusamane yaToivo, okwa galukile moshilongo, manga ku na ashike ootundi dhontumba yi kanithe oonkondo.

Nonando ye mwene okwa tindi okuhokololela aatoolinkundana kombinga vetalelopo lye kiilo-

**Dhimbulukitha wo mukweni a mbesitele oshifo 1984**

Tala kep. 11

ngo mbiyaka, onkene tuu opwa kundanwa, kutya okweende miilongo; Zambia, moka a tsakanene naawiliki yaSWAPO, Kenya, Tanzania, Nigeria, Angola naZimbabwe nokukundathana naawiliki yiilongo mbyoka.

Mokati kaawiliki yehangano lyaSWAPO osho wo miilongo mbyoka a talelepo, yaToivo okwa taambwa naanaa ongomudhiki gwehangano lyaSWAPO a simana konima yomimvo 25 dha piti.

Osho shu uvika nomOradio yaLuanda, moka omusamane yaToivo u uvika ta popi ye mwene, sho ta hiya Aanamibia ayehe yi itule kumwe nehangano ndyoka lya yalulwa ku SA, kutya ehanganano lyaakomonisi. (Radio-Luanda 11/4/1984.)

### YaToivo iti ithanwa we Herman

Omudhiki gwehangano lyaSWAPO, omusamane Herman Toivo yaToivo, okwa tseyitha omasiku ngaka, kutya edhina lye Herman itali ka longithwa we, nopeha lyalyo otapu longithwa Andimba, edhina lyopomboga.

Okwe shi popi pethimbo lyoshigongi shaatoolinkundana, shoka e shi ya ningile mOvenduka mokugaluka kwe molweendo lwomiilongo yaAfrika. Inapu fatululwa we omolwashike a lundulula edhina ndyoka lya tseyika nawa paupolitika nopausosiale muule womimvo 60 dha piti.

### 10% dhAanamibia, aafadhukipo

Ekondjelo lyemanguluko lyaNamibia, olya tokokitha omakondo goondhikwa odhindji moshilongo shika: noondhikwa ndhoka inaadhi tokoka, oluvalo olwindji, olwa kanitha uukwashilongo waandjawa pethimbo ndika.

Pakonakono ndyoka lya ningwa omasiku ngaka koshilyo shEhangano lyiipindi muuyuni (Euro-

pean Economic Community,) omusamane Derek Enright, ota hokolola, kutya Aanamibia 85,000 lwaampoka, oye li muupongekwa.

Nongele Namibia oli na aakalimo taa tengenekwa pomiliyona yimwe, omuhokololi ota ti, kutya omwaalu gu thike mpoka gwaapongekwa otagu ningi oopelesenda omulongo 10% dhAanamibia ayehe.

Elalakano lyokuninga ekonakono lya tya ngeyi, okwa tiwa okugongela uuyeleele kombinga yoompumbwe dhoshilongo, uuna tashi thiki memanguluko, opo ku talike nkene shi shi okumonenwa omakwatho.

Ekonakono olya pandula iilongo yokuumbangalantu waEuropa kushono ye shi ningile ontauki dhAanamibia, osho wo epandulo enene olya gandjwa kOmahanganano omanene gOongeleki muuyuni, ngoka kwa tiwa oga ningi oshidjilela.

Oontauki 75,000 nenge 80,000 olya ti odhi li muAngola, manga oontauki 5,000 dhi li muZambia. Iimaliwa hayi pewa aantu mboka, okuyamukula oompumbwe dhopalongo, dhopaunamiti nodhopaigongi, ehokololo lya ti.

Uunyengwi wokuthika mbala memanguluko nokuhulitha po iita, omukonakoni okwa tala kutya osho sha etitha po omwaalu omunene gwaafadhukipo gu kale gwa londa ngaaka.

### Emanguluko andola onuumvo?

Ehokololo lyomukonakoni gwomehangano ndyoka lya simana muuyuni auhe, okwa ti, kutya oshitokolitho 435 sha VVO, osho ashike natango shi li omukanka omwaanawa okufalitha memanguluko lyaNamibia, nonando omuhokololi ota ti wo, kutya SA oku na natango oonkambadhala dhoku shi kandulila pomunkulo.

Opwa kundanwa wo ishewe natango, kutya okangundu kiilongo yUuqinginino hoka ka humba-

ta oshikundathanwa shemanguluko lyaNamibia, okuza 1978, oki indile Ehanganano ndyoka lyiipindi, li popithe SA, opo a simaneke ewi lyuuyuni, sho ta pulwa a gandje emanguluko lyoshilongo shika.

Ehangano ndyoka, oli na oshigongi shalyo momwedhi nguka, noko kwa tuminwa eindilo ndyoka. Pamathaneko ngoka ge li po, nongaashi ga tamekwa neuvathano pokati kaAngola na SA, Namibia olya li li na okumanguluka, manga omumvo nguka inaagu pwa ko.

Pakonakono ndyoka e li ningi, omusamane Enright okwa dhimbulula pwa pumbiwa omakwatho gopaali; ekwatho lyethimbo ele nekwatho lyopakathimbo. Mekwatho lyopakathimbo okwa tumbula mo iinima tayi landula:

+ Iimaliwa yomelongitho lyetembudho lyaafadhukipo, uuna ye na okugalukila kaandjawa.

+ Iimaliwa yekwatho kaanashilonga ya SA, mboka ya kala taa longo mepangelo nomiilonga yilwe, omolwomaudhigu ngoka tage ke ya tsakaneka.

+ Iimaliwa yokutungululitha ashihe shoka sha li sha yonagulwa po kiita.

Mekwatho lyependulopo lyethimbo ele, omwa kwatelelwa:

+ Iimaliwa omolwelongo lyoshigwana moosikola nomookersesa.

+ Iimaliwa omolwependulopo lyelaka lyoshiingilisa nosikola yaalongi.

+ Osikola yuunamapya

+ Elangeko lyaantu momikunda, mboka yaa na omagumbo

+ Okufala omeya komapya nokiikunino.

+ Omolwiilonga yekwato lyoohi.

+ Iimaliwa omolwelongitho lyomalusheno.

Ehokololo olya gwedha ko, kutya ekwatho lyiimaliwa kuNamibia ngaashi sha indililwe kuAmushanga Ndjayi gwa VVO, pehulilo lyomumvo gwa yi (1983) inali yamukulwa molwashoka uuyuni owa kala tau nyonyodhola onkalo yuupolitika woshilongo, mboka u li po ngashingeyi.

Ihe onkene tuu, iilongo yimwe yi li iilyo mEhangano lyiipindi yuuyuni, oya li ya tokola yi gandje omakwatho gopampumbwe dhesiku kehe, shimpa tuu taku monika okambululu okawana-wa kokupitithila ekwatho ndyoka, ehokololo osho lya ti.

Omolwonkalo yondjala muNamibia, ndjoka tayi koko omumvo kehe, Amushanga omunene gwa VVO pethimbo lyetalelopo lye moshilongo shika muAguste gwa zi ko, naye okwa li a tompelwa momaiuvito ge, kutya opwa pumbiwa ekwatho lyombala okukwatha Aanamibia mboka ye li meni lyoshilongo.

Ompumbwe ndjoka Amushanga Ndjayi, okwa li wo e yi kundathana nomusamane Sam Nujoma, nonkundana otayi ti kutya oya li ya zimina-thana. Konima yaashoka inaku uvika we sha si-go ongashingeyi sho tashi holoka ngeyi mehokololo lyomukonakoni Enright.


Sebulon Ekandjo



Omupresidende Kenneth Kaunda, gwaZambia kolumoho, ta gandja nenyanyu enene okakopi kotee komusamane yaToivo, pethimbo lyetalelopo lye muZambia omasiku gazi ko.

# ESIKU LYUUNAFALAMA WOONGOMBE

- 19.5.1984 MONANDJOKWE



ILA U ITALELE KO!

ETHIMBO: 8.00 YONGULA

## OMUWA LUNDULULA OKUKALA KWETU

1. Atuhe twa tala twa limbiliwa Mevi lyuupika tu li twa pongekwa Muule womugulu omukukutu Omuwa, lundulula okukala kwetu!
2. Sho twa tala uuyuni wa yonana Omahepeko guuka wo nomaanona Atuhe kumwe tatu igidha tuu: "Omuwa, lundulula okukala kwetu!"
3. Oongundu odhindji dha holokele Apangeli kiipundi ya kulukile Ayehe ya nyengwa molwonkalo yetu Omuwa, lundulula okukala kwetu!
4. Oyendji ya vulwa ya ka kong'ekwatho Evi lyawo cholike ya thigi po Hoka ye li taa igidha tuu! "Omuwa lundulula okukala kwetu!"
5. Oyendji oomwenyo ye dhi kanitha Oyendji wo taa limbiliwa Taa nyengwa wo okwiigidha Omuwa a lundulule okukala kwetu.
6. Tango tse yene Omuwa yoga tuu Oonkalo dhetu noomvalo dhetu Opo ihe konima yaambika yetu Omuwa, u lundulule okukala kwetu.
7. Oluhodhi Omuwa to mweneke Ongoye wo Pamba to opaleke Twa gwana pungoye aluhe tu holoke Ongoye u lundulule okukala kwetu.
8. Tu tyayeni ilkuni yegalikano Tu gongelen' oompumbwe dhomaindilo Muule atuhe nomaigidhilo Omuwa a lundulule okukala kwetu.
9. Omuwa ongoy' omumangululi Kala Tat' omukoleki Pamba ngoy' omukoleki Oto lundulula shil' omukala kwetu.
10. Omuwa twa hala tu ku kalele Kristus gwetu tu ku longele Tashi kala oshipu Omuwa ngele -To lundulula okukala kwetu.

Ku F.J. Nashidengo.

## Omalombwelo taa wanifwa

Oshili yeendjovo daKristus odo a tonga konyala konima yomido 2000, paife eshi otai wani-fwa. Omwene okwa tonga, kutya omafiku axuuninwa otaa ka kala ngaashi omafimbo aSodoma Gomora.

Omhepo ya tya ngaha, inai kwata ashike omitima dovalumenhu ndele novakainhu yo, omaumbo neenhele domatekulilo oonakushiiva Kalunga, eefikola nosho tuu.

Ombuto ei yepiyaano otai kunwa keshe efiku moitanaishe momitima dovanhu onge nomafano eekino, momishangwa nopaenghedi dihapu. Osho Kalunga te shi luku oulunde, ovanhu ove shi tala paife osho ouyelele wexumokomesho.

Ovanyasha vahapu otava tungile onghalamwenyo yavo nomalalakano aeshe komafano eekino nokomishangwa dopashinanena da tya ngaha odo da nyika omapukifo notave litula moudjuu u he na exulilo.

Ovadanauki vomahokololo oo e he na oukoshoki, ova talika ongomapenda oshiwana shipe. Eendjuwo domadanishilo luhapu oda etela ovanhu omhepo youxwanga.

Okwa pumbiwa pefimbo eli omapenda oukoshoki ngaashi Josef. 1Mos.39:7-9.

Hangula Salom

## A MANA E NA OOMVULA 86

Kuku Martha Wilpardiina Shivute okwa mana oondjenda dhe eti 18.3.1984 mepipi lyoomvula 86. Okwa li a pewa omagano gaanona yatatu, ihe gumwe okwe mu tetekelele nale pamwe nomusamane gwe.

Nakusa Wilpardiina okwa valelwa muA-muteya mOnyaanya. Okwa tembukile kOndjamba momumvo 1973. Ogwomegongalo Omuntele. Okwa thigi ko aatekulu 12 naatekulululwa 24.

Tse oluvalo nezimo otatu pandula ayehe mboka ya li ye tu hekeleke palutu nopa-mbepo.

Kaino Ntanga Sheya

## OMUKWETU

Oye oshifo shOngeleki Onkwaevangeli paLuther yomOwambokavango.

Ohashi nyanyangidhwa mOshinyanyangidho shOngeleki mOnilpa.

Omukuluntu gwoshifo omumbisofi. Dr. Kleopas Dumeni, Amushanga gwoshifo omusita Sebulon Ekandjo

Ondando yOmukwetu muNamibia naSuid-Afrika R 5,00 komumvo.

Palwe muAfrika R 8,00 nokombanda yomafuta 11,00, komumvo. Mondhila R 13,00.

Oondando nomambestelo agehe naga tumwe kOmukwetu, Onilpa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS PRIVATE BAG 2013, ONDANGWA 9000 SWA/NAMIBIA